

Segunda carta de San Pablo a Timoteo

Timoteore Pablo ï papera cõare gaye

¹⁻² Ñati yu baba Timoteo mñ. “Quenajaro”, ya yu mure. Yu ña Pablo. Adi papera mure cõa yu. Jesucristo ï cõru ña yu. Jane mejeju ado bajiro yicãyiju Dios: “No yu Macure tuorũnrãreti ña catitĩnaroca yigu yigũja yu”, yicãyiju Dios. Iti oca yu riaso ucutoni yure cũni Dios, ï ãmoro bajiroti. Tuoya Timoteo mñ. Mure bũto tuo maicõri yu macure bajiro mure tuoia yu. Mani Jacu Diore mure yiari seni ïsisotia yu. “Ï queno ñaroca yiya. Ïre ti maiña ito yicõri ñe oca manoti ï ñaroca yiya”, yi Diore seni ïsisotia yu mure yiari. Ito bajiroti mani Uju Jesucristore cãni seni ïsisotia yu mure yiari.

Masare Cristo oca goti batoya, Pablo ï yire gaye

³ Yu ñicũsabatia Diore ñna rũcũbuoado bajiroti rũcũbuoa yu cãni. “Yu ñeñaro yirisere coe jeõni Dios”, yi tuoĩacõri ï tiro riojo queno ïre moa ïsia yu. Umuã ñami cãni mure yiari Diore seni ïsisotia yu. Mure tuoia bujacõri, “Queno ya Dios mñ”, yisotia yu ïre. ⁴ Yu wacati rãmũ mñ oticati masia yu. Mucana mure bũto ti ãmoa yu queno wanũ quenarocu. ⁵ “Cristore queno tuorũnugũ ñami Timoteo”, yi tuoia yu mure. Mũ ñico Loida, mũ jaco Eunice cãni mũ riojuaju ito bajiro Cristore tuorũnyijarã ña. “Mũ cãni ito bajiroti Cristore tuorũnugũ ñagũja mñ”, yi tuoia yu mure.

⁶ Ito bajiri yu ãmo mure moa jeocati rãmũ mucana mũ tũdi tuoĩare ãmoa yu. Ito bajiro yu yicati rãmũ Diore mñ moa ïsi masiroca yiñi ï. Itire ãcabojabesa. Wanucõri

queno busa ñre mu moa ñsire ñmoa yu. ⁷ Mani ya usijũ mani tuoña güi ñatoni meje yĩni Dios. Ado bajirojũa yĩni. Mani tuoña oca s̄oroca yĩni ĩ. Espiritu Santo manire queo s̄ac̄ori queno mani ñre moa ñsiroca yĩni. Ḡajer̄e mani ti mairoca yĩni. Ito yic̄ori ñeñarise mani ñemecuti masiroca yĩni Dios. ⁸ Mani Ɔju Jesucristore busi ejabuagũ, “Masare masogũ ñami ĩ. Ñre riti tuorũnu yu”, yibojobesa. Masare Jesucristo oca yu riasore waja ado tubia ecoru ña yu. Ito bajiro yu bajibojarocati, “Pablo ñami yu baba”, yibojobesa. “Pablo ĩ tuoña bujatobitiro bajiro bujagu yiguja yu cuni”, yi tuoña güibesa. Jesucristo oca quenarise mu masare riasobojarocati co rumu mu tuoña bujatobitiroca yirã yirãji ḡajerã. Ito bajiro ñna yibojarocati mu ñemecuti masitoni mure ejabuagũ yiguĩji Dios. ⁹ Manire masoñi Dios. ĩ ñarã queno yirã mani ñatoni manire beseñi ĩ. Mani queno yirise tic̄ori meje manire masoñi Dios. Ñeñaro yirã mani ñabojarocati manire masoñi ĩ. Manire ti maic̄ori ĩ ñmoro bajiroti manire masoñi Dios. Adi mac̄aruc̄ero ĩ rujeoroto r̄iojũa manire masi yuc̄ori manire ti maiyiju Dios. “Yu Macu Jesucristo ĩ godarotina suoriti ñnare masogũ yiguja yu”, yi tuoña yuc̄ayiju Dios. ¹⁰ Adi sitaju wadic̄ori mani Ɔju Jesucristo ĩ manire goda ñsirena suoriti, “Manire ti maiami Dios”, yi tuoña masia mani, adi rumari ĩja. Godabojaguti t̄adi Jesucristo catijare, ĩja mani godarotire güibea mani. “Cristo oca quenarise mani tuorũnuja mani catitĩñaroca yigu yiguĩji”, mani yi masiroca yami ĩ.

¹¹ Iti oca yu masare goti r̄etobutoni yure c̄ũni Dios. Judio masare meje Cristo oca yu riaso ucutoni yure c̄ũni ĩ. ¹² Iti oca yu riasore waja ado tuoña bujatobiti ña yu. Yu tuorũnuḡure ñre queno masia yu. Ito bajiri ado tubia ecobojaguti bojori bujabea yu. Yure tirũnuḡũ yiguĩji ĩ. Ito yic̄ori, “Masa ñeñaro yirise waja ĩ seniri rumu yure masogũ yiguĩji”, yi masia yu.

¹³ Oca ñasarise mũare riasocũ yũ. Iti oca yũ mũare riasocati riaso jidicãbesa masare. Jesucristore tuorũnũ jidicãbesa. Jesucristo ñarã ñacõri ãre tuo mairũja manire. Ito bajiroti gãjerã ãre tuorũnrãre cœni mani maija quena.

¹⁴ ã oca masare mũ riasotoni mũre cœni Dios. Mani ya usijũ quedi sãjarũ Espĩritu Santo ã ejabũarisena masare riasoya.

¹⁵ “Asia sita gãna Pablore jidicãni ãna”, yi masigũja mũ. ãna wato ñama yũre jidicãrã Figelo ito yicõri Hermõgenes.

¹⁶ Yũre ãna jidicãbojarocati Onesĩforo wame cõtiguama yũre ejabũaquĩ. Ito yicõri yũ oca sœoroca yiquĩ ã. Tubiara wi yũ ñabojarocati “ãre ti ãmobeã yũ”, yibitiquĩ yũre. Ito bajiri ãre mani Hũũ Dios queno ã yire ãmoã yũ. ã ñarãre cœni ito bajiroti Dios ã yire ãmoã yũ. ¹⁷ Ado Roma wame cõtiri cuto ejacõri yũre bũjarocũ ãma jidicãbisĩ ã. ¹⁸ “Ado Efesoju Pablo ã ñaroca queno ejabũaquĩ Onesĩforo”, yi masigũja mũ. Yũre ã queno yire waja ãre queno yijaro mani Hũũ. Masa ãna ñeñaro yirise waja ã seniri rãmũ ãre ti maijaro Dios.

2

Ñemecũtiya Timoteo mũ, Pablo ã yire gaye

¹ Tuoya yũ macũ Timoteo mũ. Manire ti maicõri ã ñarã mani ñaroca yĩni Jesucristo. Ito bajiri itire tuoĩacõri oca sœoña mũ. ² Jãjarã masare oca yũ riasoroca tuogocacũ ñacũ mũ. Ito bajiri yũ mũre riasogocati Jesure masirãre riasoya, gãjerãre ãna riaso masitoni. Ito bajiro mũ yija gãjerãre Cristo oca ñasarise riasorã yirãji ãna cœni.

³ Jesucristore queno tuorũnũgũ ña mũ. Ito bajiri tuoĩa bũjatobitibojagũti surara masũ bajiro ñemecũtiya mũ.

⁴ ãna hũũ rotirise riti tuorũnrãji surara. Gãjerã ãna yisotiriseama tuorũnũmenaji ãna. ãna hũũ rotirise riti cœdi ãmorãji ãna. ⁵ Ito bajiroti no ajere gaye rœtocũ ãmogũ, ajere hũjarã ãna rotiro bajiro ã cœdija quena. Itire ã cœdibeja

ĩ ajere waja bñjabiquĩji ĩ. ⁶ Ito bajiroti no weseca moagũ ĩ moare waja cajero iti wese rica bñjagũ yiguĩji ĩ. Gãjerã riojna bñjasnogũ yiguĩji ĩ. Ito bajiroti bajija quena. ⁷ Iti oca mure yũ gotirise queno tũoĩaña. Itire mũ queno tũoĩaja mũ tũoĩa masiroca yigũ yiguĩji mani Ɖjũ.

⁸ Jesucristo ĩ ñare gaye tũoĩate mũ. Ɖjũ ñayoru David wame cutigũ janerãbatia janami ñayijũ ĩ. ĩre ĩna sñabojarocati ĩ tũdi catiroca yiyijũ Dios. Iti ña oca quenarise. Ito yicõri iti ña masare yũ oca goti rẽtobure. ⁹ Iti oca masare yũ riasore waja ado tubiara wijũ tũoĩa bñjatobiti ña yũ. Ñeñaro yigũre bajiro come mana yũre siacã ĩna. Come mana yũre ĩna siabojarocati Dios ocareama camota masimenaji ĩna. ¹⁰ Ito bajiri ado robojna baja. Dise ruyabeto yũ tũoĩa bñjatobitiroca ĩna yibojarocati ñemecutigũ yigũja yũ. Dios ĩ beseana Jesucristore ĩna tũorũnũre ãmoa yũ. ĩre ĩna tũorũnũja ĩnare masogũ yiguĩji. Ito bajiri ĩ rãca ũmacũjũ catitĩñarã yirãji ĩna. Itire tũoĩacõri yũ tũoĩa bñjatobitiroca masa ĩna yibojarocati itire ñemecutigũ yigũja yũ.

¹¹ Oca riojo ñasarise ado bajiro gotia:

Cristore tũorũnũrã ñari mani godaja ĩ rãca catitĩñarã yirãji mani.

¹² Tũoĩa bñjatobitibojarãti mani ñemecutija, co rũmũ ĩ rãca rotirã yirãji mani cũni. “Masibea yũ Jesure”, mani yija co rũmũ, “Masibea yũ mure”, yigũ yiguĩji ĩ cũni manire.

¹³ “Ado bajiro yiana mani”, mani yiro robo yi jeobitibojarocati ĩjũama, “Ado robo yicũja yũ”, ĩ yiado bajiroti yi jeogũ yiguĩji. Riojo gotisotigũ ñari rũore oca goti masibeami ĩ.

Queno Diore moa ĩsiña, Pablo ĩ yire gaye

¹⁴ Mure yũ gotirise ito gãna mũcana tũdi ĩna tũoĩaroca yiya. Ado bajiro ĩnare mũ gotire ãmoa yũ: “Biyaro mũa

oca josarise jidicãtoni yure cũni Dios. Ito bajiri ñasabitire mua tuoia jidicãja quena. Ñasabiti mua tuoia busija, ñe waja ma iti. Ito bajiro mua busija tuocõri, tuo wisarã yirãji mware tuo coderã cuni”, yiya ito gãnare. ¹⁵ Dios i mure ti wanutoni yiro robo queno ire moa isina Timoteo m. Ito bajiro m yija ticõri, queno mure wanugũ yiguji Dios. I ocare queno riasotiya, masare queno m goti rãtobu masitoni. “Diore queno moa isia y”, m y masija i tiro riojo bojobicã yigaja m. ¹⁶ Adi sita gaye riti tuoiacõri rware oca riasorã rãca tuoia busibesa. Ito bajiro masare riasocõri buto busa ina ñeñaro y waroca yirã yirãji ina. ¹⁷ Rware oca riasorã ina rwarise cami jogare robo bajiro bajia. Ina rwarise cami joga waro bajiro baji wajũ iti. Gãjerãre ina tuoia wisaroca ya iti. Juarã rware oca riasorã ado bajiro wame cutirã ñama, Himeneo, ito yicõri Fileto. ¹⁸ Oca riojo ñasarisejua jidicãcõri rware ocajua riasoama ina. “Godarãre mucana tũdi catiroca Dios i yiri rumũ rãtacoajũ”, y riasoama ina. Ito bajiro ina riasoja tuocõri, coriarã Jesucristore tuorũnrã tuoia wisama ina. ¹⁹ Ito bajiro ina riasobojarocati Dios ocama ñeñabetoja iti. I oca ito bajiro ñatĩñaro yiroja. I oca ado bajiro gotia: “I ñarãre ti masiami mani Hju”, y gotia Dios oca. Gaje ado bajiro gotia iti: “No, ‘Jesucristore tuorũnrã ña gũ’, yirã, ina ñeñaro yirisere jidicãja quena”, y gotia Dios oca.

²⁰ Queno tuoja, goti masiore ocana mure gotigũ ya y. Wi jajo wijũ somotõrori jaje ñaro yiroja. Quenari tõrori ñaro yiroja. Oro wame cutirisena ito yicõri plata wame cutirisena ina menire ñaro yiroja iti somotõrori. Somotõrori gaje buto quenarise meje ñaro yiroja. Yucuna, ririna ina menire ñaroja gaje. Iti wi hju ñasari masa ina ejaja ticõri, somotõrori quenarisena bare jeogu yiguji ñare. Iti tõrorire wanugũ queno codegũ yiguji i. Gaje somotõrorireama quenasabitire co rumũ ruyabeto bare

jeo bagu yiguñji. ²¹ No ñasarise Diore moa ïsi ãmogũ ñarocõti ñeñaro ï yirise jidicãja quena. Ñeñarise jidicãcõri Diore riti ï rucubuoja quena. No ito bajiro yigati quenarise Diore moa ïsigũ ña yucãgũ yiguñji.

²² Mamu ñabojaguti gãjerã mamarã ñna ñeñaro yi uyarisere ti cùbesa muáma. Quenarisejua riti yisotiya mu. Diore riti tuorũnu ñasotiya. Gãjerãre ti maicõri queno ñe oca manoti, ñaña mu. Ñna ñeñaro yirise jidicãnajua Cristore riti tuorũnurã rãcajua baba cutiya. ²³ Ñeñaro tuoïa busirã rãca baba cutibesa. Ñna tuoïa busirise rocati gaye ñacõri ñe waja ma. “Masa ñna oca josaroca yama ñna”, yi masigũja mu ñnare. Mure ñna seniã josabojarocati ñnare tuorũnubesa. ²⁴ No mani Ujũre moa ïsi ãmogũti oca josagu meje ï ñaja quena. Ado robojua ï bajija quena: Masa jeyarore queno yigu ñaja quena. Queno riasogu ñaja quena. Ñre bajiro ñna tuoïabitibojarocati usirioro ñnare yi codebicu ï ñaja quena. ²⁵ Dios oca ti tudirãre quenoti ï goti quenoya quena. Ito bajiro ñnare ï gotija ñna ñeñaro yirise jidicãroca yigu yiguñji Dios gajea. Ito bajiri Dios oca ñasarise tuorã yirãji gajea. ²⁶ Oca ñasarisere tuorũnucõri quenarisere tuoïarã yirãji ñna. Ñna ñeñaro yirisejũare jidicãcõri rũmúa ujũre rãtocũrã yirãji ñna. Rũmúa ujũre cudigoana ñabojarãti ñre rãtocũrã yirãji.

3

Adi macãrucũro iti jedi wariju gaye

¹ “Adi macãrucũro iti jedi wariju buto josari rumuri ñaro yiroja”, mu yi masire ãmoa yu. ² Ado bajiro bajiro yiroja. Ñna ya rujũre maicõri ñna ya gajeonire cuni tuo mairã ñarã yirãji adi sita gãna. Ito bajiroti ñna ya niyerure cuni tuo mairã yirãji. “Gãjerã rãtoro ñasarã ña gũ. Ñejua ruyabea guare”, yi tuoïarã yirãji masa. Gãjerãre busiturã yirãji. Ñna jacusabatiare cudimena yirãji. Ñnare

queno gājerā yibojarocati, “Queno ya m̄ua”, yimenaji ĩna. Ñeñaro yirā ñari Dios ocare c̄ni r̄uc̄b̄uomena yirāji ĩna. ³ Gājerāre ti maibiticōri ĩnare ñeñaro yirā yirāji ĩna. Gāmeri ti tudirā yirāji. Oca r̄uo gotiri masa ñarā yirāji ĩna. ĩna ñeñaro yi āmorise ñemec̄utimenaji. Gājerāre ñeñaro yi coderā yirāji. Queno yirāre ti tudirā yirāji. ⁴ “M̄u babaguti ñaḡu yiḡuja ȳu”, yi r̄uocōri, oca menirā yirāji ĩna. ĩna āmoro bajiroti ñeñaro yirā yirāji ĩna. “Gājerā r̄etoro ñasarāguti ña ḡua”, yirā yirāji ĩna. Dios ĩ āmorisej̄ua yiro ōno yirā ĩna yi āmorisej̄ua yirā yirāji ĩna. ⁵ “Dios ocare r̄uc̄b̄uorā ña ḡua”, yirā yirāji ĩna. Ito bajibojarocati, “Dios s̄iḡuti ñami r̄etoro masiḡu”, yi r̄uc̄b̄uomenaji ĩna.

Ito bajiro yirā rāca baba c̄utibesa. ⁶ Romia queno t̄uoīamenare, “Dios oca m̄uare goti r̄etobuana ḡua”, yama ĩna coriarā. “B̄ujato baja ñeñaro yirā romia ña ḡua”, yibojarāti ñeñaro ĩna yirise jidicā masimena romiare āmarā yirāji r̄uori masa. Ito bajiro bajirā romiare r̄uorona āmarā yirāji ĩna. ⁷ Dise r̄uyabeto gājerā ĩna riasobojarisere t̄uor̄un̄ āmoama romia ĩnaōna. Ito bajiro yicōri Dios oca ñasarisere t̄uo masibeama ĩna. ⁸ Jane mejej̄u Janes wame c̄utiḡu ito yicōri Jambres wame c̄utiḡu c̄ni Moisés ñayor̄re ti tudicōri ĩre c̄adi āmobisijarā ĩna. Ito bajiro bajirā ñama r̄uori masa. Dios oca riojo ñasarisere ti tudiana ĩna. Ñeñarise riti t̄uoīama ĩna. “Diore t̄uor̄un̄rā ña ḡua”, yibojarāti ĩre t̄uor̄un̄rā meje ñama ĩna. ⁹ Ito bajiro ĩna bajijare, “Rocati r̄uore oca riasoama ĩna”, yi masirāji masa jeyaro. Jane mejej̄u Janes ito yicōri Jambres c̄ni ĩna r̄uore ti masiado bajiroti adi r̄um̄uri r̄uorāre c̄ni ti masirā yirāji masa.

Timoteore Pablo ĩ rotire gaye

¹⁰ ĩna robo bajiḡu meje ña Timoteo m̄uāma. Masare ȳu riasorise gaye queno masia m̄u. “Ito bajiro ñasotiḡu

ñami Pablo”, yure yi masia m̄. “Jesucristore tuorũnugũ ñari ĩ ãmorise riti yi ãmoami Pablo”, yi masigũja m̄ yure. “Masare usirioro yigũ meje, ĩnare ti maigũ ñami Pablo”, yure yigũja m̄. “Tuoĩa bujatobitibojaguti Dios oca masare riaso jidicãbisĩ Pablo”, yure yi masigũja m̄. ¹¹ Cristo oca yũ riasojare masa ĩna yure usirioro yi codeja ticũ m̄. Yũ tuoĩa bujatobitija ticũ m̄. Antioquia, Iconio ito yicõri Lистра wame cutiri cutojũ cuni yure rẽtare ñarocõti masigũja m̄. Iti cutorijũ yũ tuoĩa bujatobitiroca masa ĩna yure yire masigũja m̄. Ito bajiro ĩna yibojarocati mani Uju yure codeñi ĩ. ¹² No Jesucristore tuorũnũrã queno yi ãmorãre usirioro yi coderã yirãji gãjerã. ¹³ Ñeñaro yirã ito yicõri ruo jairã cuni buto busa ñeñaro yi warã yirãji. Ruore oca gotisotirã yirãji. Gãjerã cuni ito bajiroti ruorã yirãji ĩna ruorã ñajare.

¹⁴ ĩna bajiro yibesa muãma. Dios oca m̄ riasotire tuorũnũ jidicãbesa. “Yure riasogoana oca riojo ñasarise riasocã ĩna”, yi masigũja m̄. ¹⁵ Dios oca tutire macuacã ñagũju riasotisũoyija m̄. Dios oca riasotigũ ñari, “No Jesucristore tuorũnugũti, ĩre masogũ yiguĩji Dios”, yi masigũja m̄. ¹⁶ Dios oca tuti ucagoana ĩna tuoĩa rujeore meje ucayjarã ĩna. ĩna tuoĩariseju Dios ĩ gotire riti ucayjarã. ĩ oca tuti ña mani riasotiroti. Itire riasoticõri oca riojo ñasarise masia mani. Itire riasoticõri, “Ñeñaro yigũ ña yũ cuni”, yi masia mani. “Yũ ñeñaro yirise jidicãcõri, queno ñagũ yigũja yũ”, yi masia mani. ĩ ocare riasoticõri Dios ĩ ãmorise quenarise moa masia mani. ¹⁷ “Ado bajiro Diore mani moa ĩsija quena”, mani yi masire ãmoami Dios. Gãjerãre quenarise yirona mani ña yucãre ãmoami Dios. Ito bajiri ĩ ãmorise mani yi masitoni ĩ oca tuti manire cũñi ĩ.

4

Timoteore Pablo rotisusare gaye

¹ Тuoя Timoteo мu. Yu мuре rotirise tuoami Dios. Cristo masa jeyarore ti beserocu cuni yu мuре rotirise tuoami. Jesucristo i tudi ejari rumu catirare, godanare cuni ti besegu yiguji. Neñaro yigoana tuoia bujatomena yiraji ina. Jesucristore tuorunurama i rotiroju i raca natinarã yiraji mani. Itire masiguja му. Ito bajiri ado bajiro мuре rotia yu. ² Dios oca masare riaso ñasotiya. Masa ina tuo amoja, ina tuo amobeja cuni oca ñasarise riaso jidicãbesa. “Neñaro yirã ña gua”, masa ina yi masitoni ñnare riasoya. Ina neñaro yirise jidicã amomenare goti quenofia. Dios oca masare riasocori ina oca seoroca yiya. Coji Dios ocare ina tuo masibitibojarocati ñnare junisinibesa му. Usiriobicuti ñnare Dios oca riasosotiya. ³ Oca riojo ñasarisere ti tecori itire masa ina tuo amobiti rumu ejaro yiroja co rumu. Ina neñaro yi amorise riti yirã yiraji ina. Ito bajiri ina tuo amorise riasorãre riti amarã yiraji ina. Oca riojo ñasarise riasorãjure tuo amomenaji ina. ⁴ Oca riojo ñasarisere jidicãrã yiraji ina. Masa ina ruo gotirisereama tuorunurã yiraji ina. ⁵ Muama ina bajiro yibeja му. Queno tuoiarise jidicãbesa му. Tuoia bujato-bitibojaguti ñemecutiya му. Cristo oca tuoiamenare riaso ucuya му. Mu moaroti Dios i cure ñaro bajiroti yiya.

⁶ Yure ina sjaroti rumu jabeto ruяa. Jesucristo oca masare yu riasojare yure sjarã yiraji ina. Ito bajiri yoari mejeti Dios tu wacu yiguja yu. ⁷ “Ina neñaro yirise jidicãjaro”, yirocu Cristo oca masare riaso josacu yu. Jeyaro moare yure Dios i cure ito bajiroti jeoa yu. Diore tuorunu jidicãbiticu yu. ⁸ Ito bajiri ire yu tuorunu jidicãbitire waja yure queno yigu yiguji Dios. Queno yigoana ina jesari bedo bujagu yiguja yu cuni. Masare i ti beseri rumu yure waja yigu yiguji i. Masa ina yigoado bajiroti ñnare ti

besegu yiguñji ĩ. Yũre riti meje waja yigu yiguñji ĩ. No Jesucristore tuo maicõri ĩ tũdi ejari rũmũ bocatirãre cũni queno waja yigu yiguñji ĩ.

Timoteore Pablo ĩ ti ãmore gaye

⁹ Tũoya Timoteo mũ. Yoari mejeti yũre tigu waya. Sejabesa mũ. ¹⁰ Yũ rãca ñabojagu yũre jidicãquĩ Demas wame cutigu. Dios gaye rẽtoro adi sita gayejũare ãmoquĩ ĩ. Ito bajiri yũre jidicãcõri Tesalõnica wame cutiri cutojũ waquĩ ĩ. Galacia sita gãnare Dios oca riasogu waquĩ Crescenteama. Ito yicõri Dalmacia sita gãnare riasogu waquĩ Tito cũni. ¹¹ Lucas sũgũti ñami yũ rãca. Ito bajiri Marcosre ãmacõri ĩre ãmi waya. Yũ moarise yũre ejabũa masiguñji ĩ. ¹² Tĩquico wame cutigũre Efeso cutojũ cõacu yũ. ¹³ Wadigu joe sãñado yũ yaro ãmi wadiba. Troas gagũ Carpo wame cutigu ya wijũ cũcu yũ. ãmi wadi ĩsiña yũre. Papera tutiri cũni ãmi wadiba. Yũ ya papera tunare mũ ãmi wadisacõre ãmoa yũ.

¹⁴ Alejandro come moari masũ jaje ñeñaro yiquĩ yũre. Yũre ĩ ñeñaro yiadocõti ĩre waja senigũ yiguñji mani Ʋjũ. ¹⁵ Roya ĩre, mũre cũni ñeñaro yigu yiguñji gajea. Oca ñasarise mani riasorisere bũto ti teami ĩ.

¹⁶ Oca quenori masa tiro riojo, “Ñe seti ma yũre”, yũ yi ejasũocati rũmũ sũgũ yũre busi ejabũagu maniquĩ. Yũ rãca ñabojarã yũre jidicãcã. Ito bajiro yũre ĩna ñeñaro yibojarocati, “Īnare waja senibitijaro Dios”, yi tũõĩa yũ. ¹⁷ Yũ baba mesama ĩna yũre jidicãbojarocati mani Ʋjũama yũre jidicãbisĩ. Yũ oca sẽoroca yĩni. Ito bajiro yũre ĩ yijare judio masa meje ñarãre oca riojo ñasarise goti rẽtobu jeocu yũ. Yũre ĩna sĩa ãmobjarocati camotañi Dios. ¹⁸ Ũmacũjũ Dios ĩ rotirojũ yũ ejare ãmoami ĩ. Ito bajiri ñeñarise yũ yibe yirocu yũre ejabũagu yiguñji ĩ. Ito yicõri yũre masa ñeñaro yi ãmobjarocati yũre codegu yiguñji ĩ.

Īre rūcubuoṭĩñarujā manire, “Rētoro masigũ ñami”, yirã. Ito bajiro riti ñatĩñajaro.

Quenajaro masa, Pablo ĩ yi ñucare gaye

¹⁹ Quenajaro Aquila ĩ manjo Priscila cuni. Quenajaro Onesiforo ñarã cuni. ²⁰ Mani yagu Erasto Corinto cutoju tujacoami. Mileto wame cutiri cutoju mani yagu Trófi-more cūcu yu, ĩ cōja ticōri. ²¹ “Juebucu riojua busa ĩ tu ejacuja”, yirocu ejori busa waya. Eubulo, Pudente, Lino ĩto yicōri Claudia cuni, “Quenajaro”, yi ñucama mre. Ado gãna mani ñarã Jesucristore tuorũnrã cuni, “Quenajaro”, yi ñucama.

²² Mũ rãca ñatĩñajaro Jesucristo. Mũ ya usiju oca sēoroca yijaro ĩ. Mũ rãca ñarã ñarocōreti queno yijaro Dios. Itocō ña.

Dios Oca Tuti
New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

Updates

eBible.org

PDF generated using Haiola and XeLaTeX on 17 Nov 2018 from source files dated 2 Sep 2018

2581ee54-739f-5595-8d44-83c638ed667b